

Til Lindås kommune

Rådmannen

Visningssenter for Håkon den Gode / Strilamuseum

LINDÅS KOMMUNE 10-March-2016	
Klassering	
11.03.2016	
Ark.saksnr. 14/7008	Løpenr.
Saksr.	Tilgangskode

Ei arbeidsgruppe frå Lindås sogelag har lenge arbeidd med planar for eit visningssenter og eit Strilamuseum i tilknytning til kommunen sin tusenårsstad, Håkonshaugen.

Gruppa har vore samansett av fem personar, mellom anna arkitekt og grunneigaren av arealet rundt haugen.

Ein vedlagd foldar, viser korleis denne arbeidsgruppa helst ville hatt dette anlegget.

Gruppa har hatt synfaring og 2 møte med Fylkeskonservatoren. For det første alternativet, (sjå foldar), vart det uttrykt stor skepsis, og vi fekk inntrykk av at dei var imot alle inngrep på oppsida av kommunevegen.

Gruppa sende så eit nytt framlegg til Fylkeskonservatoren. (alt. 2) Dette ligg og på oppsida av veggen, men er meir avdempa i terrenget.

Etter mange purringar, har vi enno ikkje fått svar på dette.

Difor har gruppa arbeidd fram eit nytt framlegg på nedsida av veggen, (alt. 3) Det ligg like nære haugen som den fyrst påtenkte plasseringa og med panoramautsikt til fjorden og Lygra, som og har lange, historiske tradisjonar

Sogelaget meiner det er viktig å fortelja historia vidare, både vikinghistoria og historia om korleis Strilane klarde seg i vår karrige del av landet.

Minnesmerket over kongen, Håkon den Gode, må og kunna reknast som eit nasjonalt minnesmerke som alt no er interessant for mange. Dersom vi i tillegg får eit visningssenter/strilamuseum/magasin knytta til staden, vil det bli attraktivt for fleire og ein viktig attraksjon for reiselivet i regionen.

Eit anlegg på nedsida av veggen er ikkje det ideelle, men kan bli enklare å realisera fordi:

- Kommunen eig arealet.
- Planprosessen blir enklare fordi området vert oppfatta som akseptabelt av fylkeskonservatoren, og er i gjeldande reguleringsplan avsett som offentlig areal.
- Kan byggjast på tradisjonelt vis med mønetak og kledning, og bør bli eit billigare prosjekt.

Areal som blir teke frå noverande parkeringsplass blir erstatta med nytt parkeringsareal på sørsida av bygget og med ny avkøyring frå kommunal veg.

Denne plasseringa gjer det vanskeleg å få bygd eit uteamfi for Håkonarspelet, men vi tenkjer oss at med litt tilrettelegging, kan enkeltscener spelast i amfiet inne i huset.

Vidare arbeid med dette prosjektet må vi be kommunen ta seg av. Lindås sogelag har sett i gong prosessen og reknar med at Lindås kommune no kan sjå dette som sitt prosjekt. Lindås sogelag vil sjølvstendig alltid vera ein støttespelar i det vidare arbeidet.

I kommunen sin kulturplan står det slik:

Arbeide for å utvikla kommunen sin tusenårsstad, Håkonshaugen på Seim, ved å oppretta ein formidlingsarena/møteplass med magasin for strilakulturen, eit Strilamuseum utvikla i samarbeid med frivillige organisasjonar og konsolidert med Museumssenteret i Hordaland.

Ei slik formulering forpliktar, og vi vonar såleis at ei avdeling i kommunen overtek ansvaret for vidare framdrift av prosjektet. Dei må gjerne knyta til seg ei nemnd, gjerne med noko fagleg kompetanse, som kan fungera som ei styringsgruppe i prosessen og i konsolideringsforhandlingane med MUHO i Salhus.

Seim, 02.03.2016

Lindås sogelag